





浙江圖書館



浙江圖書館




浙江圖書館



浙江圖書館



浙江圖書館



浙江圖書館

三  
卷  
一

七  
卷  
一

李  
延

三藩紀事本末卷二



青浦楊陸榮采南氏編

王師平南浙

順治二年乙酉五月二十日 王師抵鎮江知府某

推官某丹徒令某俱死之巡撫霍達遁狗常州蘇州

下之蘇州在籍諭德徐汧舉人楊廷樞携一女俱赴

水死而野史則云廷樞留髮遁居芝塢至丁亥始被

執書血衣以遺其孤有惜時命之不猶未登朝而食

祿值中原之多難遂蒙禍以捐生其年則丁亥之歲

其日爲孟夏之終方隱遁夫山搗忽罹陷於羅網雖  
云突如其來亦已知之久矣生平所學至此方爲快  
然千古爲昭到底終爲不沒但因報國無能懷忠未  
展是人臣未竟之志辜累朝所授之恩等語復賦絕  
命詩十二章已見士巴圖帥不順命十二月斬於松  
陵之泗州橋上太倉既下諸生王湛與兄淳復舉兵  
圍城兵敗淳赴水死湛沒於陣六月我貝勒留兵二  
千駐吳閭大軍悉趨杭州掠嘉興而過時潞王常澆  
在杭撫按請命奉書迎降錢塘知縣顧咸建臨安知

孫唐自派員具破執不順命帥死而嘉興士紳屠家美等

縣唐自綵俱被執不順命死面嘉興土紳屠象美等  
復集兵據城守 大兵還攻半月而破在籍吏部尚  
書徐石麒死焉閏六月八日 我兵入吳淞時吳淞  
副總兵吳志葵煽惑作亂 王師偵知遂令偏將率  
兵二千人據之七月初四日屠嘉定縣在籍通政使  
侯峒曾死之峒曾集眾守城 大兵攻之不能下大  
兩城壞遂入之峒曾先驅二子元演元潔沈後河乃  
赴水死邑人進士黃淳耀與弟淵耀對縊於城西僧  
舍舉人張錫箴自經死妾何抱女赴水死秀水教諭

董用圓與兄用廣赴水死諸生馬元調唐全昌夏雲  
蛟俱死之全昌妻亦從死七月初七日屠崑山崑丞  
闔茂才遣使迎降崑民殺茂才推原任狼山副總兵  
王佐才爲主貢生朱集璜及周室瑜陶琰陳大任等  
共起兵據城參將陳宏勛原任知縣楊永言助之

大兵至詭稱神武新詣至城門啓兵遂入永言遁佐  
才被執殺集璜同門人孫道民張謙投河死室瑜與  
子朝鑛同死室瑜妻諸被執不辱死朝鑛妻王自縊  
死琰自縊死大任與妻張子思翰皆死之時以守禦

死者蘇達道莊萬程陸世鏗陸雲將歸之甲周復培  
陸彥沖代父死者沈徵憲朱國軾救母死者徐洛自  
盡者徐澱王在中吳行貞八月初三日屠松江府兵  
部職方主事章簡行人李待問死之先是在籍兩廣  
總督沈猶龍與義兵頭目蔡喬據城守初三日大  
兵下青浦謀至猶龍猶未信日西晡我兵詭稱黃  
蜚解好細至門啓遂入時城中已伏內應兵乍入城  
上悉收張大清旗幟簡待問俱被執不順命死猶  
龍出奔蔡喬遁入海華亭教諭睦明永投纜死御史

夏允彝諸生戴弘赴水死徐念祖與妻張妾子女七  
人闔門自縊死允彝兄之旭完淳後涉吳兆勝之  
難之旭自縊完淳被殺先是黃蜚兵多以青白布纏  
其首大兵效之潛於城中至是去布悉辮髮者初  
六日襲破黃蜚吳志葵水師蜚投水死志葵乞降不  
許殺之參志葵軍事嘉興舉人傅凝之投水死二十  
日被金山衛守將指揮使侯承祖及子士祿死之松  
城破總鎮李成棟以書招承祖不應厲志堅守卽妻  
子亦不令出城避難二十日大兵薄城城上矢石

兩下兵不得乘 大兵以竹梯援城上守城兵士用  
防牌蔽矢隨登隨斫既而西北脩稍弛乃以小舟壘  
城下蟻附而登城遂破承祖及二子俱被執長子土  
祿大罵不順命叢射死成棟欲降承祖承祖不從戮  
之成棟稱承祖爲江南第一忠臣特宥其少子令殮  
父屍歸葬破江陰屠之先是六月中諸生許用倡城  
守應者數萬人以陳明遇主兵徽入邵康公爲將前  
都司周瑞龍泊江口相犄角戰不利乃請故典史閻  
應元入城主兵事 王師圍攻堅守不下八月二十

三藩紀事本末卷之二 四  
一日從祥符寺後城入乃下用明遇舉家自焚死應  
元赴水曳出斬之訓導馮厚散冠帶自縊於明倫堂  
娣與妻王赴井死中書舍人戚勛舉人夏維新諸生  
王華呂九韶皆死之城中死者數萬人時有貢生王  
毓祺者與徐趨起兵行塘以應城內城陷兩人俱逸  
去明年冬偵江陰無備率壯士十四人襲之不克趨  
被執論死毓祺又逸去獲於江寧臨刑命取襲衣自  
斂跌坐而逝十一月十三日破崇明先是九月中成  
陳督兵渡海攻崇明不克引還至是人之初 我兵

之下杭州也 王師散遣官吏召撫浙東郡縣其先

後失事死者杭州在籍同知王道焜投繯死出陰在

籍蘇松巡撫祁彪佳赴池水死在籍左都御史鄭宗

周不食死行人陸培自縊死海寧舉人祝淵投繯死

曾稽諸生王毓著先遺宗周書云願先生早自決無

爲王炎午所吊隨自投柳橋河死儒士潘集袖石自

沈死周卜年赴海死明晨海濤湧尸上冠履不失山

陰朱瑞投江死原任大學士高弘圖流寓紹興城外

不食死而二年乙酉閏六月起兵江北徽州者則有

左僉都御史金聲聲聞南都陷集義於徽之績溪分  
兵扼六嶺在籍山東巡撫寧國丘祖德職方郎中涇  
縣尹民與徽州推官溫璜貴池副榜吳應箕等多應  
之唐王授聲以僉都兼兵侍摠督諸道車拔旌德寧  
國諸縣九月御史黃澍完髮來歸聲信之遂爲內應  
城破聲與門人江天一同就執行至某所天一笑謂  
聲曰一泓清絕洵足怡人意欲聲同盡此也聲曰丈  
夫死則死耳當與天下共見之至江寧內院洪承疇  
諭降天一卽誦懷宗御祭承疇文以誚之遂被戮聲

亦隨見殺時丙戌三月十五日也應箕亦被獲見殺

祖德退還山中 大兵攻拔其寨礮死諸生麻三衡

沈壽堯吳太平阮恒阮善長劉鼎甲胡天球馮百家

及祖德子某俱死之璜猶嚴兵守郡城城紳黃澍以

城獻璜先殺長女語妻茅同難茅匿其刃子遂整衣

臥璜以刀截其喉少頃茅呼曰未也再刃乃絕璜自

刎不殊絕粒五日以手抉其劍乃死祖德之死也有

徐淮者與吳漢超收其潰軍連破旬容溧水高郵溧

陽溧太平諸縣三年丙戌正月襲寧國兵敗漢超入

見曰首事者我也剖其腹胆長三寸妻戚投樓下死  
同時舉兵先後被難者有青陽知縣龐昌胤溧陽諸  
生謝珠鹽城諸生司石磐都司鄧某之屬

浙江圖書

王師平閩

順治二年乙酉五月

我朝使內院洪承疇招撫江

南御史黃熙胤招撫福建熙胤晉江人與鄭芝龍同

里芝龍密遣使通款我朝唐王每遣芝龍出兵芝

龍每以餉缺爲辭三年丙戌六月 王師平浙東芝

龍聞渡江信遂撤守關兵 王師至仙霞嶺關門無

一守兵無一敵兵寂如也遲回數日從容過嶺然我

兵入閩或由建或由汀或由福寧俱走山谷間不必

仙霞也八月 大兵入建寧至浦城科臣黃大鵬上

游四郡巡撫鄭爲虹死之爲虹僕陳龍從焉原任浦  
城千戶張萬明及子都司張翹鸞都督洪祖烈俱死  
之爲虹故浦城知縣王聞其賢召爲御史士民相率  
乞留乃令以御史巡視仙霞關尋擢巡撫 大兵至

爲虹亟還浦城縱士民出走遂與大鵬同被執以死  
初王之在福州也知芝龍不可恃而楚撫何騰蛟江  
右楊廷麟咸有疏迎芝龍還安平王遂赴贛八月二  
十一日啟行從延平趨汀州 王師尾之破延平知  
府王士和死之士和崇禎時舉人王擢之守延平警

報疊至士和曰我以書生不一月忝二于石安敢偷  
生遂投繯死禮部尙書曹學佺通政使馬思理自縊  
死御營總兵胡上琛護王至汀王被執上琛奔還福  
州拜辭祖廟與妾劉同飲藥死給事中熊緯扈行至  
汀死於兵其後聞王被難而死者大僕寺少卿王瑞  
稱自縊死御史艾南英縊於僧舍我貝勒駐福州別  
遣李成棟韓固山狗各州郡九月八日入泉州大學  
士蔣德璟絕食死十五日下午汀州十九日下午漳州閩  
地悉平惟芝龍屯安平以前通欵之信未回猶豫未

敢迎師又自以先撤關兵無一矢相遺有大功而兩  
廣素屬部下若招以自効兩廣總督可得貝勒令泉  
紳郭必昌招之芝龍恐以立藩爲罪會韓固山兵逼  
安東芝龍怒貝勒乃切責固山令移軍而貽書芝龍  
曰我所以重將軍者以能立唐藩也人臣事君必竭  
其力力盡不勝天則投明而事建不世之功此豪傑  
事也今兩粵未平鑄閩粵總督印以相待芝龍得書  
大悅子弟皆力諫芝龍不從進降表於泉州十一月  
芝龍至福州見貝勒握手甚懽痛飲三日夜遂挾芝

龍此去芝龍子成功入於海初唐王之立也以黃道  
周爲武英殿大學士與芝龍不協道周見芝龍無出  
師意憤激請督師出江憤乙酉七月賫一月糧從廣  
信抵衢州募兵得九千人十一月進至婺源遇王  
師戰敗被獲夫人蔡氏聞之急貽書道周言忠臣有  
國無家勿以內顧爲念丙戌三月至江寧洪承疇遣  
人諭降道周不從命乃斬之與道周同事者職方主  
事趙士超通判毛王潔蔡春溶毛繼謹俱死之士超  
死尤烈道周旣死門人陸自巖匿其元并全身瘞之

越數年夫人蔡氏令長子寬迎喪東歸葬於於贈公之側士趨等四人葬於道周之側

浙江圖書館

金王收工西

金玉收江西

順治乙酉四月英王追闖賊至九江寧南侯左良玉  
子夢庚率所部三十六營來降王北旋攜降將俱北  
惟後營摠兵金聲桓請於王願收江省自効王許之  
乃命闖部降將王體忠合營屯潯規進取六月聲桓  
先遣牌招撫江西巡撫曠昭故選儒率先遁士民送  
款聲桓十九日聲桓入南昌南康九江不煩兵而下  
而舊撫標將白之裔鄧武泰駐袁吉以兵扼峽江湖  
東分巡道王養正與布敢夏萬亨建昌知府王域推

下劉允浩南昌推官吏夏隆輔益藩起兵建昌軍報  
旁午聲桓令前營劉一鵬禦峽江屬體忠脩撫建七  
月體忠率兵下撫州趨建昌時有保寧王者自河南  
來好談兵益藩倚信之而私通於體忠及戰保寧從  
陣後以火箭傷象兵遂敗三日城破益藩被執殺詳  
具益藩擾湖東王養正等五人俱被執械至南昌殺  
之養正妻張氏絕粒九日死萬亨妻顧氏子婦陸氏  
一孫一孫女同赴井死夏隆自南昌來避與其難者  
也諸生鄧思銘被執不屈叢射死屬縣皆降新昌舊

知縣譚夢開迎降爲縣民所殺知縣李翔與監軍張家玉御史徐伯昌共城守家玉戰敗入關城破翔與伯昌死之而一鵬亦破峽江兵武泰死之攻袁州同知署府事李時與力城守守將胡纓兵潰時與自縊於萍鄉官舍遂收吉安長驪至萬安萬安知縣梁於渙死之八月二十五日聲桓矯殺體忠以忠部將王得仁代而是時益宗永寧王慈炎復舉兵克撫建屯兵進賢縣旣以糧不繼退守撫州聲桓令得仁率兵來爭時吏部文選司主事曾亨應者家臨汝初同益

藩起兵益藩敗復捐貲聚衆歸永寧得仁夜率百騎  
潛至臨汝圍亨應宅執亨應殺之亨應從叔祀縱追  
之璋之球之琦子筠俱死焉初亨應舉事時自斷爪  
嚼血裹而塗之子筠亦時語人曰我一門已登鬼錄  
父子立志殉國如此永寧守撫州糧不繼乃退保建  
昌得仁追及被獲死焉二月破寧州監軍許文龍死  
之文龍起兵寧州聲桓遣人招之不從率兵逐我所  
直官吏屯兵奉鄉聲桓乘間破寧州遂攻奉鄉圍守  
二月糧盡乃走保界首砦食復盡被擒死之是月也

吉安復失職方主事郭鏗死之先是乙酉九月劉同  
升結忠誠社於贛州與李永茂恢復吉安丙戌春

王師來爭副將劉必達戰敗赴水死會廣東援兵至

大兵退駐峽江至是克之四月破廣信巡撫周定

仍副使胡奇偉兵部侍郎詹兆恒御史胡夢泰兵部

員外萬文英同知胡甲桂貴溪舉人畢貞士俱死之

初黃道周提兵出江西命詹兆恒以兵侍協守廣信

御史胡夢泰拜疏請出湖東後遂擢右僉都巡撫其

地文英奇偉俱奉命協守甲桂以永州同知道梗改

授而夢泰則以郡人奉使旋里者也得仁破安仁貴  
溪定仍督副提姜天衢戰連湖 我兵小却已戰小

箬渡及河口遂大捷城破定仍自縊死文英赴水死  
妾胡從之奇偉破執殺於南昌衛前甲桂自經於幽  
室貞士先赴水家人救之行至五里橋望拜祖塋觸  
橋柱死夢泰夫婦同縊死兆恒奔懷玉山復糾眾攻  
衢之開化兵敗歿於陣江西悉平惟贛州未下

李成棟平粵東

順治三年丙戌 大兵既平閩十二月我巡撫 養  
甲揔兵李成棟由閩趨惠潮下之潛師襲廣州生是  
十一月唐藩弟聿鏘浮海至廣閩中舊相蘇觀生何  
吾騶與布政使顧元鏡侍郎王道華曾道唯奉王監  
國僭改元紹武名海上鄭石馬徐四姓盜爲揔兵時  
永明已自立於肇慶使給事中彭燿主事陳嘉謨至  
廣曉譬倫序監國先後觀生殺燿於市嘉謨亦死之  
觀生遂率兵而西職方王事陳邦彥自廣至肇見永

明王王以東事爲問邦彥曰彼疆我弱以戰則非計  
彼曲我直以和則非名北師已迫觀生若懼嘗求和  
於我如其不然粵東十郡我據其七而使其三代我  
受敵不亦可乎已而巡撫林佳鼎與廣州將陳際泰  
戰於三水際泰敗既與林察戰於海佳鼎故粵中監  
司與察同姓相善察因使四姓盜僞降迎佳鼎佳鼎  
信之舟至三山口亂作全軍俱沒佳鼎赴水死肇慶  
大震而廣州失援至是成棟襲之用惠潮符印爲文  
書給廣州報平安故觀生不設備十五日成棟令前

軍效廣軍裝東直抵城下是日觀生方隨聿鏘視學  
或報 大兵臨城觀生猶以爲海上盜也叱而斬之  
大兵入東門觀生始倉卒名兵不能集城遂破聿  
鏘投繯死周益遼等二十四王皆及於難祭酒梁朝  
鐘自刎死太僕卿霍子衡與妾莫氏子應蘭應荃應  
芷子婦梁氏徐氏區氏同赴井死時有梁鏘者妄人  
也觀生每才之用爲吏科給事中至是觀生走問計  
鏘曰死爾復何言觀生入四房鏘入東房抗咤氣湧  
有聲觀生以爲鏘死矣乃自縊明日鏘獻觀生屍來

降吾騶應華元鏡等俱來降二十三日成棟別遣兵  
徇南韶而親下肇慶二十五日報至肇慶王上西峽  
四年丁亥正月奔梧州走平樂成棟入肇慶別遣副  
將楊大福張月徇高雷廉三府而自率兵趨梧州二  
十九日一鼓入之巡撫曹煜降王走桂林時南韶二  
府亦報捷乃別遣副將取瓊州時丁魁楚在岑溪成  
棟使杜永和襲而殺之藤江遂下平樂高雷廉俱報  
捷廉州推官張孝起謀與復兵敗妻妾俱赴海死孝  
起羈軍中後成棟叛擢孝起巡撫其地成棟敗後屢

州復失孝起死之四月定瓊州方警報之性至也五

州復失孝起死之四月定瓊州方警報之性至也王  
震恐適武岡鎮劉承胤兵至全州王遂奔全而以瞿  
式耜守桂林 大兵薄桂林式耜與總兵焦璉力城  
守承胤奉王赴武岡以三千人援桂乏餉潰歸桂林  
垂破會給事中陳邦彥在高明聞桂林圍急乃走說  
甘竹灘盜魁余龍乘虛襲廣州巡撫養甲飛檄召成  
棟於桂林揚言順道徑取甘竹龍聞急歸而桂圍亦  
解於是邦彥起兵高明陳子壯起兵九江郝霍師連  
起兵花山張家玉起兵東莞粵東大擾

詳見  
未幾殲

家王於龍門戕邦彥師連於清遠破子壯於高明粵  
地復定

浙江圖書館

魯藩據浙東

順治二年乙酉六月原任山西僉事鄭之尹之子遵謙殺我招撫使於江上與張國維方逢年等迎立魯王以海於台州在籍大學士朱大典亦上表勸進卽日移駐紹興國維逢年大典俱拜大學士封方國安荆國公守嚴州張鵬翼永豐伯守衢州遵謙義興伯王之仁武寧伯國維督師江上子世鳳爲平鹵將軍七月復富陽八月復於潛十月王師至固安國維率王國斌趙天祥禦之戰於草橋門天大風雨火炮

弓矢不得發急收兵故不甚敗會唐王自立於閩中  
頒詔至諸求富貴者爭欲應之魯王下令返台國維  
馳疏閩中言國當大變凡爲高皇子孫臣庶所宜回  
心并力共圖興復成功之後入關者王且監國當人  
心渙散之日鳩集爲勞一旦南拜正朔鞭長不及悔  
莫可追疏上乃止然浙閩自是水火矣自草橋門敗  
後諸將無取復言戰者王之仁上疏言事起日人人  
有立取黃龍之志乃一敗後遂欲以錢塘爲鴻溝天  
下事尙何忍言臣願帥所部沈船一戰今日欲死猶

戰而死他日卽死恐不能戰也三年丙戌三月一日  
我兵開堰入江國維之仁統水師襲戰是日東南  
風大起之仁揚旣奮擊國維遂同諸軍渡江圍杭州  
不克而還四月我貝勒屯兵北岸以江涸可試馬胤  
大炮擊南營方國安軍厨竈皆碎國安曰此天奪我  
食也遂欲投闔五月二十七日拔營走紹劫王南行  
二十八日江上各營聞報俱潰走遵謙入海國維振  
旅追扈六月一日大軍畢渡江禮部尙書余煌衣  
冠赴水死國安決計獻監國來降遣人守監國會守

者病監國得脫登海航命國維遏防四邑圖後舉二  
十五日 大兵入義馬或勸國維入山國維曰悞天  
下事者文山疊山也赴池水死兵部侍郎陳函輝自  
經死禮部侍郎王思任不食死大理寺少卿陳潛夫  
妻孟氏妾孟氏夫妻姊妹聯袂沈河死兵部主事葉  
汝蘅妻王氏同赴水死兵部主事高岱絕食死子渚  
生朗赴水死通政使吳從魯不雜髮死鄭之尹赴水  
死諸暨諸生傅日炯山陰諸生朱瑋赴水死蕭山諸  
生楊雪門自縊死鄞縣諸生趙景麟赴泮池死浦江

諸生張君正咱縊死瑞安諸生鄒欽堯永嘉諸生鄒  
之琦赴水死 我兵至金華朱大典厲兵固守 我  
兵以紅衣大砲破之大典闔門自焚死西侯武進鄭  
邠亦與其難張鵬翼守衢州副將秦應科於我內應  
城破鵬翼及樂安王楚王晉平王皆被殺巡按兼視  
學政王景亮知府任經正推官鄧巖忠皆自縊死江  
山則知縣方名死焉餘皆望風迎附兩浙悉平方國  
安方逢年薙髮來降八月誅之延平城下王南奔至  
石浦定西侯張名振護王航海至舟山舟山守將王

三  
斌卿不納王浮海至廈門鄭芝龍已降於我乃走南  
澳四年丁亥王命鄭彩王大振阮進張名振等共討  
殺斌卿時閩中舊相張肯堂以私財募兵海上王貽  
書肯堂云將北還舟山約肯堂共事五年戊子大學  
士劉中藻恢福寧州與平夷侯周崔芝相犄角連復  
建寧邵武興化三府及漳浦海澄等二十七縣軍聲  
頗振溫台響應六年己丑王還舟山以張肯堂爲東  
閣大學士八年辛卯 王師破福寧州中藻敗兵部  
右侍郎林汝嘉員外郎林塗歿於陣閩中所復州縣

自  
劉中藻  
安  
大學士劉中藻  
衣冠坐堂上爲文

相繼俱失福安破大學士劉中藻衣冠坐堂上爲文  
自祭服金屑死興化破大學士朱繼祚叅政湯芬給  
事中林睿知縣都廷諫死之海澄破知縣洪有文死  
之永福破邑人給事中鄒正畿御史林逢經投水死  
長樂破邑人御史王恩及服毒死妻李氏同難建寧  
破守將王祈自焚死台州破督餉知縣沈履祥被獲  
見殺 王師遂逼舟山王復航海令甯堂城守城破  
甯堂南向坐令四妾一子婦一女孫先死乃自經同  
死者兵部尙書李向中禮部尙書吳鍾巒吏部侍郎

朱永祐安洋將軍劉世勳左都督張名揚通政使鄭  
遵儉兵科給事中董志寧兵部郎中朱養時戶部主  
事林瑛江用梅禮部主事董元兵部主事朱萬年顧  
珍臨山衛李開國工部主事顧宗堯中書舍人蘇兆  
人工部所正戴仲明定西侯參謀顧明楫諸生林世  
英錦衣指揮王朝相太監劉朝王航海之明年兵部  
侍郎沈廷揚督舟師北上福山被獲死之向中被執  
我帥呵之白聘不至捕而至何也向中對曰向則辭  
官今就死爾 六兵至寧波鍾繼渡海入昌國衛之

文廟抱孔子木主積薪左廡自焚死永祐被執請爲  
僧不許殺之名揚名振弟抱母范自焚朝相聞城破  
護王妃陳氏貴嬪張氏義陽王妃杜氏入井以巨石  
覆之自刎其旁開國之母瑛及明楫之妻皆自盡十  
一年甲午鄭成功奉王居金門初至禮待甚恭旣益  
懈王積不能平成功啣之未幾王將往南澳成功使  
人沈之海中

浙

三藩系專本卷二

二



浙江圖書館

浙江圖書館附刊

益藩擾湖東 附傳摺

益王名由本封建昌兩都繼沒郡紳勸王舉兵郡儀  
賓諸生鄧思銘言王身兼臣子宗社傾危豈容坐視  
因首建庠兵之議以贍財者助餉負才者叅謀有勇  
者出戰王大感動然年少柔仁不習武事乃悉以戰  
守機宜委郡藩永寧王慈炎及羅川王某主之於是  
羅川王與東鄉艾命新艾南英謀囚以書約諸紳士  
同仇共義募集劉琦楊獨龍僧丹竹等三十六人就  
南英家插血誓盟得義勇七八千人王謝二紳各捐

貲助餉兵勢稍振時順治二年乙酉六月也時有保  
寧王者自河南來好談兵王倚信之而保寧私與我  
將王體忠通約爲內應王不知也雲南總兵趙印選  
以象兵赴援南都不及而反路出建昌王留之助戰  
戰初合保寧從陣後以火箭傷象兵師遂潰王奔旗  
塘佛舍已歸唐王於福州福州破被執見殺永寧走  
寧都遂入粵招蕭閩兵圖興復先一日蕭陞閩總夢  
紅日臨其門翌日而永寧至以爲吉徵遂與同事提  
兵出湖東復建昌乘勝拔撫州及進賢縣先是永寧

之走寧都也羅川與艾命新拔撫州而不能守退師  
許灣招集貴東安仁兵近二萬永寧復撫建羅川率  
兵來合約分道進恢江省會粵兵與羅川兵爭舍羅  
川亟出止之流矢中其喉而卒永寧以糧餉不繼棄  
進賢守撫州我將王得仁率兵圍之糧復匱將退保  
建昌爲得仁追獲死焉

甲申之變原任福寧州知州揭重熙同副總兵洪日  
升起兵勤王至南京授吏部考功司主事以艱歸順  
治三年乙酉南京破江省亦入版籍重熙復招集鄉

二二  
三  
勇徐組綬萬民望王宏等起兵湖東會益藩兵起重  
熙走謁請急臨省會事不果我將王體忠圍建昌重  
熙提兵來援戰於許灣而敗吏部主事王兆熊劾之  
既以曾櫻薦唐王復授重熙攷功員外兼兵科給事  
中從傅冠辦湖東兵事又令原任翰林院檢討傅鼎  
銓以原官兼兵科給事中統義師由泰寧出關召募  
瀘溪告急冠不能救重熙劾冠去兵事專委重熙永  
寧既敗重熙復趨福州統諸將進克金谿復撫州有  
衆十萬捷聞授有僉都御史代劉廣胤巡撫湖東以

諸將進止不協退保瀘溪與我兵戰於銅蒲墜師

姑嶺及高田孔坊俱捷三年丙戌八月福州不守鼎

銓往寧都借兵於田海忠不應因集鄉勇復宜黃駐

兵於樂安重熙聞王師入關提兵援福州聞王赴

贛州倍道趨贛爲我兵掩擊大潰急收散卒還攻

撫州破之而中軍洪深亦歿於陣兵士僅存千人乃

退次王洞間行至安東金貴諸砦令聯絡以待而身

爲日者裝入南昌以覘虛實五年戊子金聲祖以南

昌叛首迎重熙鼎銓而兩人殊不欲駐省請任閩事


我譚固山圍南昌重熙赴粵求援鼎銓兼督兩軍與  
張自盛合營援南昌敗於三江口重熙至肇慶永明  
拜重熙兵部尙書兼右副都御史摠督江西兵未及  
歸而南昌破沿途名募猝遇一我兵戰於程鄉大敗  
監軍桂泓陣歿重熙身中三矢僅免金玉死其故將  
張自盛洪國王等聞重熙奉新命出湖東爭來歸兵  
大集駐寧都石城間而鼎銓被內召不願往請再舉  
終江事重熙亦疏留乃拜兵部右侍郎兼翰林院侍  
讀學士鼎銓隨令監軍陳化龍馳檄浙東有徐孝伯

者引軍來會同駐徐博七年庚寅重熙以張自盛駐  
閩赴其軍約廣信曹大鎬並進甫入閩界 我兵圍  
之數重重熙分部諸將戰數合佯北引 我兵入伏  
中前後夾擊大捷遂徇諸郡邑皆下之進至撫州幾  
獲我帥八年辛卯鼎銓至廣信張村爲我守將所執  
江撫夏一諤諭之使降不應令以書招重熙不可八  
月五日見殺搜其笥先置木主書死年而空其月日  
自盛掠邵武戰敗被執重熙乃率數十人赴大鎬於  
百丈礮適大鎬還軍鉛山重熙至惟空營 我兵偵


得率衆圍之射重熙中項執至建寧日求死十一月  
三日戮於南街市口未幾曹大綽亦敗都昌督師余  
應桂亦以是歲亡江西之兵遂盡應柱者都昌人萬  
曆己未進士嘗爲御史疏劾周延儒有直聲累官兵  
部侍郎金王之亂起兵都昌率舟師援會城敗於落  
星湖已復傾貲募衆而南昌已平我潯帥楊捷以步  
騎奄至城下被執及子諸生顯臨中軍帥師俱死之



浙江圖書館





浙江圖書館



浙江圖書館



浙江圖書館





浙江圖書館



**TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------